

四庫全書

史部

欽定四庫全書

史部

東觀漢記卷十八

三至

詳校官編修臣李潢

編修臣裴謙覆勘

總校官進士臣程嘉謨

校對官助教臣李巖

謄錄監生臣劉星軫

欽定四庫全書

東觀漢記卷十三

列傳八

伏湛

上自將擊彭寵伏湛

案范書本傳湛字惠公琅邪東武人

上疏諫曰臣聞

文王享國五十伐崇七年而三分天下有二至武王四海乃賓陛下承大亂之極出入四年中國未化遠者不服而遠徃邊郡四方聞之莫不怪疑願思之杜詩薦湛

疏案范書本傳湛是時策免大司徒徙封不其侯遣就國

曰竊見故大司徒陽都

侯伏湛自行束脩訖無毀玷篤信好學守死善道經為人師行為儀表秉節持重有不可奪衆賢百姓嚮望德義微過斥退久不復用識者愍惜儒士痛心湛容貌堂堂國之光輝智略謀慮朝之淵藪齟齬勵志白首不衰實足以先後王室名足以光示遠人武公莊公所以砥礪蕃屏勸進忠信令四方諸侯咸樂回首仰望京師柱石之臣宜居輔弼出入禁門補闕拾遺

伏盛

伏盛字伯明

案盛湛子范書本傳作伏隆字伯文

張步遣其掾孫昱隨盛

詣闕上書獻鰻魚

伏恭

伏恭字叔齊湛同產兄子也

伏晨

伏晨

案晨湛少子翕孫

尚高平公主

侯霸

侯霸字君房

案范書本傳霸河南密人追封謚則卿哀侯

有威重為太子舍

人從鍾寧君受律為淮平大尹政理有能名王莽敗霸  
保守臨淮更始元年遣謁者侯盛荊州刺史費遂齎璽  
書徵霸百姓號呼哭泣遮使者或當道卧皆曰願復留  
霸期年民至乃誠乳婦勿得舉子侯君當去必不能全  
使者慮就徵臨淮必亂不敢授璽書而具以狀聞霸為  
尚書令深見任用

宋弘

宋弘

案范書本傳弘字仲子京兆長安人封宣平侯

為司空上嘗問弘通博之

士弘薦沛國桓譚才學洽聞幾及楊雄劉向父子於是  
召譚拜議郎給事中上每宴輒令鼓琴好其繁聲弘聞  
之不悅悔於薦舉聞譚內出正朝服坐府上遣吏召之  
譚至不與席而讓之曰吾所以薦子欲令輔國家以道  
今數進鄭聲以亂雅樂非碩德忠正也後大會羣臣上  
使譚鼓琴見弘失其常度上怪而問之弘乃離席免冠  
謝曰臣所以薦桓譚者望能以忠正導主而今朝廷耽

悅鄭聲臣之罪也其後不復令譚給事中嘗受俸得鹽  
令諸生糴諸生以賤不糴弘起悉賤糴不與民爭利弘  
嘗燕見御坐新施屏風圖畫列女上數數顧視弘正容  
言曰未見好德如好色者上即為撤之上姊湖陽公主  
新寡上與共論朝臣微觀其意主曰宋公威容德器羣  
臣莫及上曰方且圖之後弘見上令主坐屏風後因謂  
弘曰諺言貴易交富易妻人情乎弘曰臣聞貧賤之交  
不可忘糟糠之妻不下堂上顧謂主曰事不諧矣



韓歆

韓歆字翁君南陽人以從征伐有功封扶陽侯好直言  
為司徒嘗因朝會帝讀隗囂公孫述相與書歆曰亡國  
之君皆有才桀紂亦有才上大怒以為激發免歸田里  
上猶不釋復詔就責歆及子嬰皆自殺

歐陽歆

歐陽歆

案范書本傳歆字  
王思樂安千乘人

其先和伯從伏生受尚書至

歆七世皆為博士敦於經學恭儉好禮歆遷汝南太守

推用賢俊吏民從化為大司徒坐在汝南賊罪死獄中  
歛掾陳元上書追訟之言甚切至帝乃賜棺木贈賻三  
千匹

朱浮

朱浮

朱范書本傳浮字叔元沛國蕭人封新息侯

與彭寵書責之曰伯通自

伐以為功高天下往時遼東有豕生子白頭異而獻之  
行至河東見羣豕皆白懷慚而還若以子之功論於朝  
廷則為遼東豕也上不征彭寵浮上疏切諫曰連年拒

守吏士疲勞蟻蝨生甲冑弓弩不得弛上下相率焦心  
大兵冀蒙救護之恩陛下輒忘之於河北誠不知所以  
然浮上疏曰陛下率禮無違

案此上  
下文闕

浮為司空賣國恩

以為威福

### 張湛

張湛字子孝右扶風人以篤行純淑鄉里歸德雖居幽  
室閤處必自整頓三輔以為儀表為馮翊見府寺門即  
下主簿進曰位尊德重不宜自輕湛曰禮下公門何謂

輕哉為光祿大夫數正諫威儀不如法度者湛常柔白  
光武每有異政輒曰白馬生且復諫矣為太子太傅及  
郭后廢因稱疾拜太中大夫病居中東門侯舍故時人  
號中東門君帝數存問賞賜後大司徒戴涉被誅帝强  
起湛以代之至朝堂遺失溲便因自陳疾篤不能復任  
朝事遂罷之

杜林

杜林字伯山扶風人於河西得漆書古文尚書經一卷

每遭困厄握抱此經寄隗囂地終不降志辱身至簪蒿  
席草不食其粟囂乃出令曰杜伯山天子所不能臣諸  
侯所不能友蓋伯夷叔齊恥食周粟令且從師友之位  
須道開通使順其志林雖拘於囂而終不屈節建武六  
年弟成物故囂乃聽林持喪東歸既遣而悔追令刺客  
楊賢於隴坻遮殺之賢見林身推鹿車載致成喪乃歎  
曰當今之世誰能行義我雖小人何忍殺義士因亡去  
林為侍御史先與鄭興同寓隴右乃薦之上徵興為大

中大夫時議郊祀制以為漢當祀堯林上疏曰臣聞營河雒以為民刻肌膚以為刑封疆畫界以建諸侯井田什一以供國用三代之所同及至漢興因時宜趨世務省煩苛取實事不苟貪高亢之論是以去土中之京師就關內之遠都除肉刑之重律用髡鉗之輕法郡縣不置世祿之家農人三十而取一政卑易行禮簡易從人無愚智思仰漢德樂承漢祀基業特起不因緣堯堯遠於漢民不曉信言提其耳終不悅諭后稷近於周民戶

知之世據以興基由其祚本與漢異祀郊高帝誠從民  
望得萬國之歡心天下福應莫大于此民奉種祀且猶  
世主不失先俗羣臣僉薦繇考績不成九載乃殛宗廟  
至重衆心難違不可卒改詩云不愆不忘率由舊章明  
當尊用祖宗之故文章也宜如舊制以解天下之惑合  
於易之所謂先天而天不違後天而奉天時義方軍師  
在外祭可且如元年郊祭故事建武八年間郡國七大  
水涌泉盈溢林以為倉卒時兵擅權作威張氏雖皆降

散猶尚有遺脫長吏制御無術元元侵陵之所致也上  
疏曰臣聞先王無二道明聖用而治見惡如農夫之務  
去草焉芟夷蘊崇之絕其本根勿使能殖畏其易也古  
今通道傳其法于有根狼子野心奔馬善驚成王深知  
其終卒之患故以殷民六族分伯禽七族分康叔懷姓  
九宗分唐叔檢押其姦宄又遷其餘于成周舊地雜俗  
旦夕拘錄所以挫其強禦之力詘其驕恣之節也及漢  
初興上稽舊章合符重規徙齊諸田楚昭屈景燕趙韓



魏之後以稍弱六國強宗邑里無營利之家野澤無兼  
并之民萬里之統海內賴安後輒因衰靡之痛脅以送  
終之義故遂相率而陪園陵無反顧之心追觀往法政  
皆神道設教強幹弱枝本支百世之要也是以皆永享  
康寧之福無怵惕之憂繼嗣承業恭已而治蓋此助也  
其被灾害民輕薄無累重者兩府遣吏護送饒穀之郡  
或懼死亡卒為傭賃亦足以消散其口救贍全其性命  
也昔魯隱有賢行將致國於桓公乃流連貪位不能早

退況草創兵長卒無德能直以擾亂乘時擅權作威王  
食狃孫之意徼幸之望蔓延無足張步之計是也小民  
負縣官不過身死負兵家滅門殄世陛下昭然獨見成  
敗之端或屬諸侯官府元元少得舉首仰視而尚遺脫  
二千石失制御之道令得復昌熾縱橫比年大雨水潦  
暴長涌泉盈溢災壞城郭官寺吏民廬舍潰徙離處潰  
成坑坎臣聞水陰類也易卦地上有水比言性不相害  
故曰樂也而猥相毀墊淪失常敗百姓安居殆陰下相

為蠹賊有大小負勝不齊均不得其所侵陵之象也詩云畏天之威于時保之惟陛下留神明察往來懼思天下幸甚遷大司徒司直百僚知林以名德用甚敬憚之為光祿勳與馬援同鄉里素相親厚援從南方還時林馬適死援遣子持馬一匹遺林曰朋友有車馬之饋可且以備乏林受之居數月林遣子奉書曰將軍內施九族外有賓客望恩者多林父子兩人食列卿祿祿出常有盈今送錢五萬援受之謂子曰人當以此為法是杜

伯山所以勝我也林為東海王傳王以師故數加饋遺  
林不敢受常辭以道上稟假有餘苦以車重無所置之  
代張純為大司空務于無為宋范書光武紀建武二十二年大司空朱浮免杜林  
為大司空二十三年林薨張純為大司空  
則是林代朱浮純復代林也此文有誤

張純

張純字伯仁

宋范書本傳純京兆杜稷人

建武初先詣闕封武始侯

為大中大夫在朝累世明習故事時舊典多闕每有疑  
義輒以訪純自郊廟婚冠喪紀禮儀多所正定一日或

數四引見為虎賁中郎將純素重慎周密時上封事輒  
削去草建武二十六年詔純曰禘祫之祭不行已久矣  
宜據經典詳為其制純奏曰禮三年一祫五年一禘春  
秋傳曰大祫者何合祭也毀廟及未毀廟之主皆登合  
食入太祖廟五年而再殷漢舊制三年一祫毀廟主合  
食高廟存廟主未嘗合祭元始五年諸王公列侯廟會  
始為禘祭又前十八年親幸長安亦行此禮禘之為言  
諦諦定昭穆尊卑之義也禘祭以夏四月夏者陽氣在

上陰氣在下故正尊卑之義也祫祭以冬十月冬者五穀成熟物備禮成故合聚飲食也斯典之廢于茲八年請可如禮施行以時定議帝從之自是禘祫遂定純臨終謂家丞翕曰吾無功于時猥蒙爵土身死之後勿議傳國爵子奮字稚通兄根常被病純薨大行移書問嗣翕上奮詔封奮奮上書曰根不病哀臣小稱病令翕移臣臣時在河南冢廬見純前告翕語自以兄弟不當蒙爵土之恩願下有司帝以奮違詔收下獄奮惶怖乃襲

封謙儉節約閨門中和

馮勤

馮勤字偉伯魏郡人曾祖揚宣帝時為弘農太子生八男皆典郡趙魏間號為馮萬石兄弟形皆偉壯惟勤祖偃長不滿七尺為黎陽令常自謂短陋恐子孫似之乃為子伉娶長妻生勤長八尺三寸魏郡太守范橫上疏薦勤為郎中給事尚書以圖議軍糧在事精勤遂見親識由是使典諸侯封事勤差量功次輕重國土遠近地

勢豐薄不相踰越莫不厭服焉自是封爵之制非勤不定遷司徒是時三公多見罪退上賢勤欲令以善自珍乃因燕見從容誠之曰朱浮上不忠于君下凌轢同列竟以中傷人臣放逐遭誅雖追加賞賜不足以償不訾之身忠臣孝子覽照前世以為鏡誠能盡忠於國事君無二則爵賞光於當世功名列於不朽可不勉哉中元元年車駕西幸長安祀園陵還勤燕見前殿盡日歸府因病喘逆上使太醫療視賞賜錢帛遂薨



馮魴

馮魴字孝孫

案范書本傳魴南陽湖陽人

其先魏之別封曰華侯華

侯孫長卿食采馮城因以氏焉魴父名揚明帝詔曰馮

魴以忠孝典兵出入八年數進忠言正諫其還故爵為

楊邑侯賜以玉珎

案范書本傳光武中元元年魴代張純為司空三年封楊邑鄉侯明帝永

平四年坐考隴西太守鄧融聽任奸吏策免削爵土至是復故爵

帝東巡郡國留魴宿

衛南宮敕魴車駕發後將緹騎宿玄武門複道上領南

宮吏士南宮複道多惡風寒老人居之且病痲若向南

者多取帷帳東西完塞諸牕望令綴密子孫得到魴所  
魴父子兄弟並帶青紫三代侍中

馮石

馮石

案石魴子  
柱次子

襲母公主封獲嘉侯亦為侍中稍遷衛

尉能取悅當世為安帝所寵帝嘗幸其府留飲十許日  
賜駁犀具劍佩刀紫艾綬玉珎各一

趙憲

趙憲字伯陽

案范書本傳  
憲南陽宛人

奮迅行伍少有節操從兄為

人所殺無子憲常思欲報之遂往復讎而讎家皆疾病  
憲以因疾報殺非仁者心且釋之而去顧謂讎曰爾曹  
若健遠相避後病愈悉自縛詣憲憲不與相見後竟殺  
之更始即位舞陰大姓李氏擁城不下更始遣柱天將  
軍李寶降之不肯云聞宛之趙氏有孤孫憲信義著聞  
願得降之更始徵憲使詣舞陰李氏遂降憲為赤眉兵  
所圍迫急乃亡走與友人韓仲伯等數十人攜小弱越  
山出武關仲伯以其婦有色恐有強暴者而已受其害

欲棄之於道憲責怒仲伯以泥塗其婦面載以鹿車身  
自推每逢賊欲逼奪輒為求哀言其病遂脫遇更始親  
屬皆裸跣塗炭饑困不能前憲見之悲感所裝縑帛資  
糧悉以與之光武以憲守簡陽侯相救從騎都尉儲融  
受兵二百人通利道路憲白上不願受融兵單車馳往  
度其形況上許之為平原太守於是擢舉義行誅鋤姦  
惡後青州大蝗入平原界輒死歲屢有年百姓歌之建  
武二十六年上延集內戚宴會諸夫人各前言為趙憲

所濟活上甚嘉之後徵憲入為太僕引見謂曰卿非但

為英雄所保也婦人亦懷卿之恩厚加賞賜拜太尉以

日食免

案范書本傳建武二十七年拜太尉明帝永平三年坐考中山相薛儉不實免非因日食也且

以災異策免三公自安帝時徐防始光武時未有此文疑誤為衛尉性周密盡心事

上夙夜匪懈恩寵甚厚母歿乞身行服顯宗不許遣使

為釋服賞賜恩寵甚渥憲內典宿衛外幹宰職正身立

朝未嘗懈惰及帝崩復典喪事再奉大行禮事修舉肅

宗即位進為太傅詔曰行太尉事趙憲三葉在位為國

元老其以意為太傅

東觀漢記卷十三

欽定四庫全書

東觀漢記卷十四

列傳九

朱鮪

朱鮪

案范書卷彭  
傳鮪淮陽人

等會城南清水上沙中設壇立聖公

為天子鮪破上大喜諸將賀之懇上尊號鮪守雒陽吳

漢諸將圍守數月不下上以岑彭嘗為鮪校尉令彭說

鮪曰赤眉已得長安今公誰為守乎蕭王受命平定燕

趙百姓安土歸心賢俊四面雲集今北方清淨大兵來  
攻雖保一城欲何望乎不如亟降鮪曰大司徒公被害  
時鮪與其謀又諫更始無遣上北伐自知罪深故不敢  
降耳彭還詣河陽白上上謂彭復往曉之夫建大事者  
不忌小怨今降官爵可保況誅罰乎上指水曰河水在  
此吾不食言彭奉上旨復至城下說鮪因曰彭往者得  
執鞭侍從蒙薦舉拔擢深受厚恩思以報義不敢負公  
鮪從城上下索曰當如此來彭趨索欲上鮪見其不疑



即曰旦蚤與我會上東門外彭如期往與鮪交馬語鮪輕騎詣彭降焉彭為殺羊具食鮪曰身為降虜未見吳公諸將不敢食彭即令鮪自縛與俱見吳公將詣行在所河津亭上即自解鮪縛復令彭夜送歸雒陽

案范書本彭傳

鮪明旦悉衆出降拜為平狄將軍封狄陽侯

成德侯鮪玄孫祀

案范書不載鮪徙封成德

坐殺人國除

鮑永

鮑永字君長上黨人也少有志操事後母至孝妻嘗於

母前叱狗而永即去之為郡功曹時有稱侍中止傳舍

者太守趙興欲出謁永以不宜出當車拔佩刀

案范書本傳作

拔佩刀載馬當胸與此異

興因還後數日詔書下捕之果矯稱使者

由是知名更始以永行大將軍事得置偏裨將五人拜

僕射行將軍事將兵安撫河東性好文德雖行將軍常

衣阜襜褕路稱鮑尚書兵馬光武遣諫議大夫儲大伯

持節徵永永疑不從乃收繫大伯封所持節於晉陽傳

舍壁中遣信人馳至長安永遣弟升及子壻張舒等謀

使營尉李匡先反，湟城開門，內兵殺其縣長馮晏。立故  
謂者祝曰：「為湟長更始。」歿，永與馮欽共罷兵，幅巾而居。  
後歸，上謂永曰：「我攻懷三日，兵不下，關東畏卿，且將  
故人往，即拜永諫大夫。至懷，謂太守曰：『足下所以堅不  
下者，未知孰是也。』今聖主即位，天下已定，不降何待？即  
開城降。永說下懷，上大喜，與永對食，賜洛陽上商里宅。  
為魯郡太守時，彭豐等不肯降，後孔子闕里無故荆棘。  
自闕從講室掃除，至孔里，永異之。召郡府丞謂曰：「方今

阼急而闕里無故自滌豈夫子欲令太守大行饗誅無狀也乃修學校理請豐等會手格殺之為司隸校尉時帝叔父趙王良從送中郎將來歛喪還入夏城門中與五官將軍相逢道迫良怒召門候岑尊叩頭馬前永劾奏良曰今月二十七日車駕臨故中郎將來歛喪還車駕過須臾趙王從後到與右中郎將張邯相逢城門中道迫狹叱邯旋車入召候岑尊詰責使前走數十步案良諸侯藩臣蒙恩入侍宜知尊帝城門候吏六百石而

肆意加怒令叩頭都道奔走馬頭前無藩臣之禮大不敬也永矜嚴公平以平陵鮑恢為都官從事並伉直不避強禦詔策曰貴戚且當斂手以避二鮑其見憚如此永行縣到京兆霸陵過更始冢引軍入陌欲下從事諫止之永曰親北面事人何忍車過其墓雖以獲罪司隸不避也遂下車哭盡哀而至右扶風椎牛上苟諫冢上聞之問公卿曰奉使如此何如大中大夫張堪對曰仁者百行之宗忠者禮義之主仁不遺舊忠不忘君行之

高者也上悅永以度田不實被徵

案范書本傳時永為東海相

詔書

迎下永曰君晨夜冒犯霜露精神亦已勞矣以君帷幄近臣具以為兖州牧

鮑昱

鮑昱字文淵

案昱永子

泚陽長邑人趙堅殺人繫獄其父母

詣昱自言年七十餘惟有一子適新娶今繫獄當死長

無種類涕泣求哀昱憐其言令將妻入獄解械止宿遂

任身有子拜司隸校尉詔昱尚書使封胡降檄上遣

小黃門問昱有所怪不對曰臣聞故事通官不著姓名  
當司徒露布怪使司隸而著姓名也帝報曰吾欲使天下  
知忠臣之子復為司隸司徒例訟久者至數十年比例  
輕重非其事類錯雜難知昱奏定詞訟七卷決事都目  
八卷以齊同法令息過人訟也

案范書本傳昱以永  
平十七年為司徒

### 田邑

田邑字伯玉馮翊蓮勺人也其先齊諸田父豐為王莽  
著威將軍邑有大節涉學藝能善屬文初為上黨太守

鄧禹使積弩將軍馮愔將兵繫邑愔悉得邑母弟妻子

案范書馮衍傳世祖遣劉延攻天井關與田邑戰邑迎母弟妻子為延所獲與此異後邑聞更始

敗乃歸世祖世祖遣騎都尉弓里游諫大夫何叔武即

拜邑為上黨太守時更始遣鮑永馮衍屯太原衍與邑

素誓刎頸以受重任忿邑背前約乃遣書責邑曰晏嬰

臨盟擬以曲戟不易其辭邑以書勸鮑永曰愚聞大夫

不釋故而改圖哲士不徼幸而出危今君長故主敗不

能死新主立不肯降擁衆而據壁欲襲六國之從與邑



同事一朝內為刎頸之盟興兵背畔攻取湟城破君長之國壞父母之鄉首難結怨輕弄凶器人心難知何意君長當為此計昔者韓信將兵無敵天下功不世出略不再見威執項羽名出高帝不知天時就烹於漢智伯分國既有三晉欲大無已身死地分頭為飲器君長銜命出征擁帶徒士上黨阨不能救河東畔不能取朝有顛沛之憂國有分崩之禍上無仇牧之節下無不占之志天之所壞人不能支君長將兵不與韓信同日而論

威行得衆不及智伯萬分之半不見天時不知厭足欲  
明人臣之義當先知故主之未然欲貪天下之利宜及  
新主之未為今故主已敗新主既成四海為羅網天下  
為敵人舉足遇害動搖觸患履深淵之薄冰不為號涉  
千鈞之發機不知懼何如其智也絕鮑氏之姓廢子都  
之業誦堯之言服桀之行悲夫命也張舒內行邪孽不  
遵孝友疎其父族外附妻黨已收三族將行其法能逃  
不自詣者舒也能夷舒宗者子也永邑遂結怨焉邑為

漁陽太守未到官道病徵還為諫議大夫病卒

### 馮衍

馮衍字敬通其先上黨潞人曾祖父奉世徙杜陵祖野王生座襲父爵為關內侯座生衍衍少有倣儻之志更始時為偏將軍與鮑永相善更始既敗固守不以時下

衍說吳漢曰得道之兵鼓不振塵

案范書更始二年吳漢為大將軍斬更始

幽州牧苗曾衍時為更始立漢將軍

建武初為揚化大將軍掾辟鄧禹府

數奏記於禹陳政言事曰衍聞明君不惡切慙之言以

測幽冥之論忠臣不顧爭引之患以達萬幾之變是故  
君臣兩興功名兼立名勒金石令問不忘今衍幸逢寬  
明之日將值危言之時豈敢拱默避罪而不竭其誠哉  
伏念天下離王莽之害久矣始自東郡之師繼以西海  
之役巴蜀沒於南夷緣邊破於北狄遠征萬里暴兵累  
年禍孽未解兵連不息刑法彌深賦歛愈重衆彊之黨  
橫擊於外百僚之臣貪殘於內元元無聊饑寒並臻父  
子流亡夫婦離散廬落丘墟田疇蕪穢疾疫大興災異

遙起於是江湖之上海岱之濱風騰波涌更相駘藉四  
垂之人肝腦塗地死亡之數不啻大半殃咎之毒痛入  
骨髓匹夫僮婦咸懷怨怒皇帝以聖德靈威龍興鳳舉  
率宛葉之衆將散亂之兵歃血昆陽長驅武關破百萬  
之陣摧九虎之軍雷震四海席卷天下攘除禍亂誅滅  
無道一暮之間海內大定繼高祖之休烈修文武之絕  
業社稷復存炎精更輝德冠往初功無與二天下日以  
去亡新就聖漢當蒙其福而賴其願樹恩布德易以周

洽其猶順驚風而飛鴻毛也然而諸將擄掠逆倫絕理  
殺人父子妻人婦女燔其室屋略其財產餓者毛食寒  
者裸跣冤結失望無所歸命今大將軍以明淑之德秉  
大使之權統三軍之政存撫并州之人惠愛之誠加乎  
百姓高世之心聞乎羣士故其延頸企踵而望者非特  
一人也且大將軍之事豈特圭璧其行束脩其身而已  
哉將定國家之大業成天地之元功也昔周宣中興之  
主齊桓霸彊之君耳猶有申伯召虎夷吾吉甫攘其蠹

賊安其疆宇況乎萬里之漢明帝復興而大將軍為之  
梁棟此誠不可以忽也且衍聞之兵久則力屈人愁則  
變生今邯鄲之賊未滅真定之際復擾而大將軍所部  
不過百里守城不休戰軍不息兵革雲集百姓驚駭奈  
何自怠不為深憂夫并州之地東帶石陘關北逼彊胡  
年穀獨熟人庶多資斯四戰之地攻守之場也如其不  
虞何以待之故曰德不素積人不為用備不豫具難以  
應卒今生人之命懸於將軍將軍所仗必須良才宜改

易非任更選賢能夫十室之邑必有忠信無謂無賢路  
有聖人審得其人以承大將軍之明雖則山澤之人無  
不感德思樂為用矣然後簡精銳之卒發屯守之士三  
軍既整甲兵已具相其土地之饒觀其水泉之利制屯  
田之術習戰射之教則威風遠暢人安其業矣若鎮太  
原撫上黨收百姓之歡心樹名賢之良佐天下無變則  
足以顯聲譽一朝有事則可以建大功惟大將軍開日  
月之明發深淵之慮監六經之論觀孫武之策省羣議



之是非詳衆士之白黑以超周南之迹垂甘棠之風令  
夫功烈施於千載富貴傳於無窮伊望之策何以加茲  
案范書本傳以此奏記為  
衍勸鮑永之詞與此異 衍娶北地任氏女為妻忌不  
得畜媵妾兒女常自操井臼明帝以為衍材過其實抑  
而不用遂坎壈失志以素終於家

### 馮豹

馮豹字仲文

案豹  
衍子

後母惡之嘗因豹夜卧引刀斫之豹

正起中被獲免豹好儒學以詩傳教授鄉里為之語曰

道德斌斌馮仲文豹每奏事未報常伏省門下或從昏

至明天子默使小黃門持被覆之曰勿驚之

某范書本傳此豹為

尚書郎時事豹為武威太守視事二年河西稱之

王閔

王閔者王莽叔父平阿侯譚子也王莽篡位潛忌閔乃  
出為東郡太守閔懼誅常繫藥手內莽敗漢兵起閔獨  
完全

王元

王元杜陵人

案范書隗囂傳元字惠孟

東觀漢記卷十四

欽定四庫全書

東觀漢記卷十五

列傳十

丁綝

丁綝字幼春定陵人也伉健有武略從上渡河拜河南太守及封功臣上令各言所樂謂綝曰諸將皆欲縣子

獨求鄉何也

案范書丁鴻傳諸將皆占壘邑美縣惟綝願封本鄉或謂綝曰人皆欲縣子獨求鄉

何也與此與

綝曰昔孫叔敖敕其子受封必求磽确之地今

緄能薄功微得鄉亭厚矣上從之封為定陵新安鄉侯  
食五千戶後徙封陵陽侯

丁鴻

丁鴻字孝公

案鴻緄長子李善  
文選注作字季公

年十三從桓榮受歐陽

尚書三年而明章句善論難為都講遂篤志精銳布衣  
荷檐不遠千里父緄從征伐鴻獨與弟盛居憐盛幼小  
而共寒苦及緄卒鴻當襲封上書讓國於盛書不報既  
葬乃挂哀經於冢廬而去留書與盛曰鴻貪經書不顧

恩義弱而隨師生不供養死不飯含皇天祖禰並不佑  
助身被大病不任茅土前上疾狀願辭爵章不報迫於  
當封謹自放鴻初與九江人鮑駿同事桓榮甚相友善  
及鴻亡駿過於東海陽狂不識駿駿乃止而讓之曰今  
子以兄弟私恩而絕父不滅之基可謂智乎鴻感愴垂  
涕歎息乃還就國兼射聲校尉

案范書本傳明帝永平  
十三年鴻以侍中兼此

職

肅宗詔鴻與太常樓望少府成封屯騎校尉桓郁衛  
士令賈逵等集議五經同異於白虎觀使五官中郎將

魏應主承制問難侍中淳于恭奏上上親稱制臨決上

嗟歎鴻才號之曰殿中無雙丁孝公賜錢二十萬

上

鴻才以下數句太平御覽作鴻以材論最明儒者稱之數嘆美焉時人嗟曰殿中無雙丁孝公元和二

年車駕東巡狩鴻以少府從上奏曰臣聞古之帝王統

治天下五載巡狩至於岱宗柴祭於天望秩山川協時

月正日同斗斛權衡使人不爭陛下尊履蒸蒸奉承弘

業祀五帝於明堂配以光武二祖四宗咸有告祀瞻望

太山嘉澤降澍柴祭之日白氣上升與燎烟合黃鵠羣



翔所謂神人以和答響之休符也上善焉三年以廬江  
郡為六安國徙封鴻為馬亭侯日食鴻為司徒上疏曰  
臣聞春秋日食三十六而弑君三十六變不空生夫帝  
王不宜以重器假人觀古及漢傾危之禍靡不由世位  
擅寵之家伏見大將軍案此下有聞文刺史二千石初除謁辭  
求通待報雖奉璽書受臺敕不敢去至數十日背公室  
向私門此乃上威損下權盛外附之臣依託權門諂諛  
以求容媚宜誅之永元四年兼衛尉鴻薨子湛嗣湛卒

子浮嗣浮卒子變嗣

宣秉

宣秉

案范書本傳秉字巨公馮翊雲陽人

建武元年拜御史中丞上特詔

御史中丞與司隸校尉尚書令會同並專席而坐故京師號曰三獨坐

宣彪

宣彪

案彪秉子

官至玄菟太守

王丹

王丹字仲回京兆人也資性清白疾惡豪強每歲農時載酒肴便於田頭大樹下飲食勸勉之

案此句太平御覽作於田間候

勤者與而勞之

因留其餘酒肴而去閭里有喪憂輒度其資用

教之儉約因為其制日定葬其親喪不過留殯一月其下以輕重差焉時河南太守同郡陳遵關西之大俠也其友人喪親遵為護喪事賻助甚厚丹乃懷縑一匹陳之於主人前曰如丹此縑出自機杼遵聞而有慚色更始時遵為大司馬護軍出使匈奴過辭於丹丹曰俱遭

時反覆惟我二人為天地所遺今子當之絕域無以相贈贈子以不拜遂揖而別遵甚悅之鄧禹平三輔糧乏

丹上麥二千斛禹高其節義表丹領左馮翊

案范書本傳丹以稱

疾不視事免歸

司徒侯霸欲與丹定交丹被徵霸遣子昱候昱

道遇丹拜於車下丹答之昱曰家君欲與君投分何以

拜子孫耶丹曰君房有是言王丹未許之丹子有同門生喪親家在中山白丹欲往奔慰結侶將行丹怒而撻之令寄縑以祠焉或問其故丹曰交道之難未易言也

初有薦士於丹者丹選舉之而後所舉者陷罪丹坐免  
客慚自絕俄而丹復徵為太子太傅乃呼客見之謂曰  
何量丹之薄不為設席食以罰之相待如舊

王良

王良字仲子東海人少清高為大司徒司直在位恭儉  
妻子不之官舍布被瓦器時司徒鮑恢以事到東海  
過候其家而良妻布裳徒跣曳柴從田中歸恢曰我司  
徒吏故來受書欲見夫人妻曰妾是也恢乃下拜歎息

而還良以疾歸一歲復徵至滎陽疾篤不任進道乃過其友人友人不肯見曰不有忠言奇謀而取大位何其往來屑屑不憚煩也遂拒之良慚自後連徵輒稱疾

申屠剛

申屠剛字巨卿扶風人性剛直中正志節抗厲常慕史鮪汲黯之為人涉獵書記果於行義元始中舉賢良對策昔周公豫防禍首先遣伯禽守封於魯離斷至親以義割恩使已尊寵不加其後言甚切直建武初徵拜侍

御史遷尚書令蹇蹇多直言無所屈撓時隴蜀未平上嘗欲近出剛諫上不聽剛以頭軔乘輿車輪馬不得前

鄧惲

鄧惲字君章汝南人也上書諫王莽令就臣位莽大怒即收繫惲難即害使黃門脅導惲令為狂疾恍惚不自知所言惲曰所言皆天文非狂人所造作惲與董子張友子張父及叔父為鄉里盛氏一時所害子張病將終惲往候之子張視惲歔歔不能言曰吾知子不悲天命

長短而痛二父讎不復也子張目擊而已惲即將客遮  
雖人取其頭以示子張子張見而氣絕惲見令以狀首  
令應之遲趨出就獄令跣追之不及即自入獄謝之拔  
刀自嚮以要惲曰子不從我出敢不以死明心乎惲遂  
出汝南太守歐陽歛召惲為功曹汝南舊俗十月嚮會  
百里內皆齋牛酒到府飲讌時臨饗禮畢歛教曰西部  
督郵繇延天資忠貞不嚴而治今與衆儒共論延功顯  
之於朝惲於下座愀然前曰案延資性貪邪外方內員



朋黨構姦罔上害民明府以惡為善以直從曲此既無  
君又復無臣憚敢奉觥飲色慙不知所為門下掾鄭敬  
進曰君明臣直功曹言切明府德也歛意少解曰實歛  
罪也鄭次都隱于弋陽山中憚即去從次都止漁釣甚  
娛留數十日憚喟然嘆曰天生俊士以為民也鳥獸不  
可與同羣子從我為伊尹乎將為許巢而去堯舜也次  
都曰吾年老矣安能從子子勉正性命勿勞神以害生  
告別而去憚客於江夏郡舉孝廉為郎為上東門候光

武嘗出夜還詔開門欲入惲不納上令從門間識面惲曰火明燎遠遂拒不開明日惲上書曰昔文王不敢盤於遊田以萬民為憂而陛下遠獵山林以夜繼晷其如社稷宗廟何誠小臣所竊憂也由是上特重之惲為長沙太守坐前守張禁多受遺送千萬以惲不推劾故左遷芒長芒守丞韓龔受大盜丁仲錢阿擁之加笞八百不死入見惲稱仲健惲怒以所杖鐵杖捶龔龔出怨對遂殺仲惲故坐免

郭伋

郭伋字細侯河南人也

案范書本傳以伋為扶風茂陵人與此異

拜潁川太

守召見辭謁帝勞之曰郡得賢能太守去帝城不遠河  
潤九里冀京師並蒙福也為并州牧前在州素有恩德  
老小相攜道路行部到西河羨稷有童兒數百各騎竹  
馬於道次迎拜伋問兒曹何自遠來對曰聞使君始到  
喜故奉迎伋辭謝之事訖諸兒送出郭外問使君何日  
當還伋使別駕計日告之既還先期一日伋謂違信止

於野亭須期乃入假知盧芳夙賊難卒以力制常嚴烽  
候明購賞以結冠心

杜詩

杜詩字君公

案范書本傳  
詩河內汲人

建武元年為侍御史安集雒

陽時將軍蕭廣放縱兵士猝暴民間詩敕曉不改遂格  
殺廣還以狀聞上召見賜以榮戟復使河東誅降逆賊  
楊異等為南陽太守性節儉而治清平以誅暴立威信  
善於計略省愛民後造作水排鑄為農器用力省見功

多時人方於呂信臣故南陽人為之語前有呂父後有  
杜母坐遣客為弟報讎被徵會病卒喪無所歸詔使治  
喪郡國邸賻絹七千匹

孔奮

孔奮字君魚右扶風茂陵人竇融請奮署議曹掾守姑  
臧長奮素孝供養至謹時天下擾亂惟河西獨安而姑  
臧稱為富邑通貨故羌市四合每居縣者不盈數月輒  
致豐積奮在姑臧四年財物不增惟老母極膳妻子但

菜食或嘲奮曰直脂膏中亦不能自潤而奮不改其操  
詔書以奮在姑臧治有絕迹賜爵關內侯為武都丞妻  
時在郡為隗囂餘黨所攻殺大守得奮妻子奮追賊賊  
推奮之子于軍前奮年五十惟有一子不顧遂擒賊而  
其子見屠帝嘉其忠遷武都太守奮篤於骨肉弟奇在  
雒陽為諸生分俸祿以供給其糧用四時送衣下至脂  
燭每有所食甘美輒分減以遺奇

張堪

張堪字君游

案范書本傳堪南陽宛人

年六歲受業長安治梁丘易

才美而高京師號曰聖童堪守蜀郡

案范書本傳不載堪為蜀守

公

孫述遣擊之堪有同心之士三千人相謂曰張君養我

曹為今日也乃選擇水軍三百人斬竹為箚渡水遂免

難堪與吳漢并力討公孫述遂破蜀漢先遣堪入成都

鎮撫吏民時述珍寶珠玉委積無數堪錄簿上官秋毫

無取堪去蜀郡乘折轅車白布被囊為漁陽太守有惠

政開治稻田八千餘頃教民種作百姓以殷富童謡歌

曰桑無附枝麥穗兩岐張君為政樂不可支視事八年  
匈奴不敢犯塞光武詔曰平陽城李善稱故令范遷於  
張堪案此句疑有脫誤令人面熱出汗其賜堪家新繒百匹以  
表廉吏

衛颯

衛颯案范書本傳颯字子產河南修武人為桂陽太守鑿山通路列亭置

驛視事十年徵還颯到即引見賜食於前從吏二人賜  
冠幘錢人五千



茨充

茨充字子河

案鄒道元水經注作字子河

宛人也初舉孝廉之京師

同侶馬死充到前亭輒舍車持馬還相迎鄉里號之曰

一馬兩車茨子河充為桂陽太守俗不種桑無蠶織絲

麻之利類皆以麻泉頭溫著衣民惰窳少穰履盛冬皆

以火燎足多剖裂充令屬縣教民益種桑柘養蠶桑織

履復令種紵麻數年之間人賴其利衣履溫煖元和中

荊州刺史上言臣行部入長沙界觀者皆徒跣臣問御

佐曰人無履亦苦之否御佐對曰十二月盛寒時並多  
剖裂血出然火燎之春溫或膿潰建武中桂陽太守茨  
充教人種桑蠶人得其利至今江南頗知桑蠶織履皆  
充之化也

任延

任延字長孫南陽宛人更始拜為會稽西部都尉時年  
十九迎吏見其少皆驚及到澹泊無為下車遣吏以中  
牢具祠延陵季子時天下新定道路未通避亂江南者

皆未還中土會稽頗稱多士延到皆禮之乃聘請高行  
俊人如董子儀嚴子陵等敬待以師友之禮掾吏貧者  
輒分俸祿以賑給之省諸卒令耕公田以周窮急每時  
行縣輒使慰勅孝子就餐飯之崇禮養善如此建武初  
延上書言臣贊拜不由王庭願收骸骨詔書徵延民攀  
持車轂涕泣除睢陽令每至歲時伏臘延輒休遣繫徒  
各使歸家並感其恩德應期而還有囚於家被病自載  
詣獄既至而死延率掾吏殯於門外百姓悅之為武威

太守河西舊少雨澤延乃為置水官吏修理溝渠皆蒙其利益

董宣

董宣

案范書本傳宣字少平陳留圉人

為洛陽令擊搏豪彊在縣五年

年七十四卒官詔遣使臨視惟布被覆尸妻子對哭家無餘財上歎曰董宣死乃知貧耳

樊曄

樊曄字仲華

案范書本傳曄南陽新野人

曄與世祖有舊世祖嘗於

新野坐文書事被拘時暕為市吏饋餌一笥上德之建  
武初拜為河東都尉臨發之官引見雲臺賜御食衣被  
上調暕曰一笥餌得都尉何如暕頓首曰小臣蒙恩特  
見拔擢陛下不忘往舊臣得竭死自効暕為天水郡其  
政嚴猛好申韓之術不假下以權道路不敢相盜人有  
犯其禁者率不生出獄吏人及羌胡畏之道不拾遺行  
旅至夜聚衣裝道旁曰以付樊公後還其物如故涼州  
為之歌曰寧見乳虎穴不入冀府赤大笑期必死忿怒

或見置嗟我樊府君安可再遭值

李章

李章

案范書本傳章字第公河內懷人

為千乘太守坐誅斬盜賊過濫

徵下獄免

馮駿

長沙中尉馮駿將兵詣岑彭璽書拜駿為威虜將軍

鄧讓

鄧讓夫人光烈皇后姊也



東觀漢記卷十五



欽定四庫全書

東觀漢記卷十六

列傳十一

班彪

班彪

案范書本傳彪字叔皮扶風安陵人

避地河西大將軍竇融以為從

事深相敬愛接以師友之道

班固

班固

案固彪子

字孟堅年九歲能屬文詞詩賦及長遂博貫

載籍九流百家之言無不窮究學無常師不為章句舉  
大義而已性寬和容衆不以才能高人諸儒以此慕之  
時人有上言班固私改作史記詔下京兆收繫固弟超  
詣闕上書具陳固不敢妄作但續父所記述漢事徵固  
詣校書除蘭臺令史遷為郎典校閱書令卒前所續史  
記固數入讀書禁中每行巡狩輒獻賦頌

班超

班超字仲升扶風安陵人徐令彪之子也為人大志不

修小節然內孝謹居家常執勤苦不恥勞辱有口辯而涉獵書傳持公羊春秋多所窺覽家貧恒為官傭寫書以供養久勞苦嘗輟業投筆歎曰大丈夫無他志畧猶當效傅介子張騫立功異域以取封侯安能久事筆研間乎超行詣相者曰祭酒布衣諸生爾而當封侯萬里之外超問其狀相者曰生燕頤虎頭飛而食肉此萬里侯相也永平中竇固擊匈奴超為假司馬將兵別擊伊吾戰於蒲類海多斬首虜固又遣與從事郭恂俱使西

域鄯善王廣禮敬甚備後更疎懈超謂其官屬曰寧覺  
廣志意薄乎此必有匈奴使來也呂侍胡詐之曰匈奴  
使來數日安在侍胡具服超悉會其吏士三十六人酒  
酣激怒曰不探虎穴不得虎子當今之計獨有因夜以  
火攻虜使彼不知我多少必大驚怖可殄盡鄯善破膽  
功成事立也衆曰善遂將吏士往奔虜營超手格殺三  
人斬得匈奴使屋類帶副使比離支首及節明日乃還  
告郭恂恂大驚既而色動超知其意舉手曰掾雖不行

班超何心獨擅之乎恂乃悅鄯善一國驚怖竇固具上  
超功并求更選使使西域帝壯超詔固曰吏若班超何  
故不遣而選乎今以超為假司馬令遂前功固欲益其  
兵超曰願得本所從三十餘人足以備有餘多益為重  
累超至西域于闐王廣德禮意甚疎其俗信巫巫言神  
怒何故向漢漢使有驪馬急求取以祠我廣德就超請  
馬超許之而令巫自來取馬有頃巫至超即斬其首送  
廣德因辭讓之超曰臣秉聖漢威神出萬死之志冀立

鉛刀一割之用

案范書本傳章帝建初三年超既服疏勒于閼欲因此臣平諸國乃上疏請兵

此其疏中語前後文闕

建初八年稱超為將兵長史假鼓吹黃麾

超討焉耆焉耆王廣遣其左將北鞬支奉迎超賜而遣焉耆國有葦橋之險廣乃絕橋不欲令漢軍入國超更從他道渡超定西域五十餘國乃以漢中郎南鄭之西鄉戶千封超為定遠侯超自以久在絕域年老思土上疏曰臣常恐年衰奄忽僵仆不敢望到酒泉郡但願生入玉門關安息遣使獻大爵師子超遣子勇隨入塞超

為都護以任尚代超尚謂超曰君在外國三十餘年而  
小人猥承君後宜有以誨之超曰塞外吏士本非孝子  
順孫皆以罪過徙補邊而蠻夷懷鳥獸之心難禁易敗  
今君性嚴急水清無大魚察政不得下和宜陽為簡而  
寬小過總大綱而已超在西域三十一歲還洛陽拜射  
聲校尉

班始

班始

案始超長子雄子

尚陰城公主名賢得

案賢得司馬彪五行志作堅得

鄭興

鄭興

案范書本傳興字少穎河南開封人

從博士金子嚴為左氏春秋

鄭衆

鄭衆字仲師

案衆興子

建武中太子及山陽王因虎賁中郎

將梁松請衆欲為通籍遺練帛衆悉不受謂松曰太子儲君無外交義漢有舊防諸王不宜通客松風以長者難逆不可不慮衆曰犯禁觸罪不如守正而死廬江獻鼎有詔召衆問齊桓公之鼎在栢寢臺見何書春秋左



氏有昂事幾衆對狀除郎中永平中北匈奴遣使求和  
親上遣衆持節使匈奴衆素剛烈至北庭虜欲令拜衆  
不為屈單于大怒圍守閉之不與水火欲脅服衆衆拔  
刀自誓單于恐而止復遣衆使北匈奴衆因上書言臣  
前奉使不為匈奴拜單于恚怒放兵圍臣今臣銜命必  
見陵折臣恐不忍將大漢節對羶裘獨拜如令匈奴遂  
能服臣將有損大漢之強上不聽衆不得已既行後果  
為匈奴所殺

案范書本傳衆在路連上書詔追還繫廷尉會赦歸家後為軍司馬仕至大司農此

文疑  
誤

范升

范升

案范書本傳升字辨卿代郡人

遷博士每有大議輒見訪問

陳元

陳元

案范書本傳元字長孫蒼梧廣信人

上疏曰扶瑕摘釁掩其弘美

案范

書本傳元習左氏春秋建武初議立左氏傳博士范升上奏不宜立上疏辯之此其疏語前後文闕

光武

興立左氏而桓譚衛宏並共毀訾故中道而廢

桓榮

桓榮字春卿沛國人也本齊桓公後桓公作伯支庶用  
其謚立族命氏焉榮少勤學講論不急治歐陽尚書事  
九江朱文剛窮極師道貧窶無資常客傭以自給精力  
不倦十五年不窺園拜議郎授皇太子經每朝會輒令  
榮於公卿前敷奏經書帝稱善曰得卿幾晚歐陽尚書  
博士缺上欲用榮榮叩頭讓曰臣經術淺薄不如同門  
生郎中彭閔揚州從事臯弘帝曰俞往汝諧因拜榮為  
博士引閔為議郎

榮范書榮傳引閔弘  
俱為議郎與此稍異

車駕幸太學會

諸博士論難于前榮被服儒衣溫恭有蘊藉明經義每以禮讓相厭不以辭長勝人儒者莫之及特為加賞賜又詔諸生雅吹擊磬盡日乃罷後入會庭中詔賜奇果受者懷之榮獨舉手奉以拜帝笑指之曰此真儒生也愈見敬厚榮嘗寢病太子朝夕遣中人問疾賜以帷帳奴婢曰如有不諱無憂家室也後病愈入復侍講太子報榮書曰君慎疾加餐重愛玉體

東范書本傳榮以太子經學成畢上疏歸

道故太子服書

建武二十八年以榮為少傅賜以輜車乘馬榮

大會諸生陳車馬印綬曰今日所蒙稽古之力也可不  
勉乎初榮遭倉卒困厄時嘗與族人桓元卿俱捃拾投  
間輒誦詩元卿謂榮曰卿但盡氣爾當安復施用時乎  
榮笑而不應後榮為太常元卿來候榮榮諸弟子謂曰  
平生笑君盡氣今何如元卿曰我農民安能預知如此  
顯宗即位尊榮以師禮嘗幸太常府令榮坐東面設几  
杖會百官驃騎將軍東平王蒼以下榮門生數百人天  
子親自執業時執經生避位發難上輒謙曰太師在是

既罷悉以太官供具賜太常家其恩禮如此永平二年  
辟雍成拜榮為五更每大射養老禮畢上輒引榮及弟  
子升堂執經自為辯說詔曰五更沛國桓榮以尚書授  
朕十有餘年詩云日就月將示我顯德行其賜爵闕內  
侯食邑五百戶後以五更祿終厥身子郁以明經復為  
太常

桓郁

桓榮卒子郁當襲爵讓於兄子

案范書本傳郁字仲恩郁兄子名汎顯宗

不許不得已受封而悉以租入與之上以郁先師子有  
禮讓甚見親厚郁以永平十四年為議郎遷侍中上自  
制五家要說章句令郁校定於宣明殿上謂郁曰卿經  
及先師致復文雅其冬上親於辟雍自講所制五行章  
句已復令郁說一篇上謂郁曰我為孔子卿為子夏起  
予者商也又問郁曰子幾人能傳學郁曰臣子皆未能  
傳學孤兄子一人學方起上曰努力教之有起者即白  
之皇太子賜郁鞍馬刀劍郁乃上疏皇太子曰伏見太

子體性自然包含今古謙謙允恭天下共見郁父子受  
恩無以明益夙夜慙懼誠思自竭愚以為太子上當合  
聖心下當卓絕於衆宜思遠慮以光朝廷永元二年西  
謁園陵郁兼羽林中郎將上賜馬二匹并鞍勒防汗

桓馬

桓馬

齊馬郁第三子范書本傳馬字叔元

為太子太傅以母憂自乞聽以

大夫行喪踰年詔使賜牛酒奪服即拜光祿大夫遷太  
常



桓鸞

桓鸞

案鸞馬弟良子范書本傳鸞字始春

父良龍舒侯相鸞貞亮之性著

乎幼冲學覽六經莫不貫綜推財孤寡分賄友朋恭於待賢狃於養已常著大布緼袍糲食麤餐除陳留已吾長旬月間遷河內汲令

桓典

桓典字公雅

案典馬仲子順子

舉孝廉為郎中居無幾相王吉

以罪被誅故人親戚莫敢至者典獨棄官收斂歸葬服

喪三年為立祠堂盡禮而去為御史是時宦者執政典無迴避常乘驄馬京師畏憚之為語曰行行且止避驄馬御史

桓礪

桓礪

宋礪字子范書本傳作璫一名礪

字文林尤修志介一餐不受于

人不應辟命初平中天下亂礪到吳郡刺史劉繇振給穀食衣服所乏者悉不受後東適會稽住止山陰縣故魯相鍾離意舍太守王朗餉給糧食布帛牛羊一無所

留臨去之際屋中尺寸之物悉疏付主人纖微不漏移  
居揚州從事屈豫室中中庭橘樹一株遇實熟乃以竹藩  
樹四面風吹落兩實以繩繫著樹枝每當危亡之急其  
志彌固賓客從者皆肅其行也

張佚

建武二十八年大會百官詔問誰可傳太子者羣臣承  
意皆言太子舅執金吾陰識可博士張佚正色曰今陛  
下立太子為陰氏乎為天下乎即為陰氏則陰侯可為

天下則固宜用天下之賢才上稱善曰欲置傳者以輔太子今博士不難正朕況太子乎即拜為太子太傅

桓譚

桓譚字君山沛人少好學徧治五經能文有絕才而喜非毀俗儒由是多見排詆哀平間位不過郎光武即位拜議郎譚上書曰富商大賈多收田貨中家子為之保後受計上疏趨走俯伏譬若臣僕坐而分利又賈人多通侈靡之物羅紈綺繡雜絲玩好以淫人耳目而竭盡

其財是為下樹奢媒而置貧本也求人之儉約富足何可得乎夫俗難卒變而人不可暴化宜抑其路使之稍

自哀焉矯稱孔子為識記以誤人主

案記書本傳時帝方信識譚上疏爭

之此二句即疏中指斥譏記語前後文闕

譚譏訕圖識有詔會議靈臺所處

上謂譚曰吾欲以識決之何如譚默然良久對曰臣生不讀識上問其故譚復極言識之非經上大怒曰桓譚非聖無法將下斬之譚叩頭流血良久乃得解由是失旨遂不復轉遷出為六安郡丞之官意忽忽不樂道病

卒時年七十餘譚著書言當世行事號曰新論光武讀之教言卷大令皆別為上下凡二十九篇惟琴道未畢但有發首一章章帝元和中行巡狩至沛令使者祠譚冢鄉里甚榮之

劉昆

劉昆字桓公

案范書本傳昆陳留東昏人

少治施氏易篤志經學教

授弟子常五百餘人每春秋享射常備列典儀以素木剡瓠葉為俎豆為光祿勳授皇太子及諸王小侯五十

人經昆老退位以二千石祿終其身

劉軼

劉軼字君文

案軼昆子

永平中以中庶子入侍講

注丹

注丹字子玉

案范書本傳丹南陽育陽人

世傳孟氏易作通論七篇

世重之號注君通論

戴憑

戴憑字次仲

案范書本傳憑汝南平輿人

為侍中數進見問得失上

謂憑曰侍中當匡輔國政勿有隱情憑對曰陛下嚴曰朕何用嚴憑曰伏見前太尉西曹掾蔣遵清亮忠孝學通古今陛下納膚受之愬遂至禁錮世以是為嚴上怒曰汝南子欲復黨乎憑出自繫廷尉詔引見憑謝曰臣無謬誇之節而有狂瞽之言不能以尸伏諫偷生苟活誠慙聖朝上即敕尚書解遵禁錮拜憑虎賁中郎將以侍中兼領之正旦朝賀百僚畢會上令羣臣能說經者更相難詰義有不通輒奪其席以益通者憑遂重坐五



十餘席故京師為之語曰解經不窮戴侍中

牟長

牟長字君高

書本傳長  
樂安臨濟人

少篤學治歐陽尚書諸生

著錄前後萬人建武十四年徵為中散大夫拜少府詔  
曰少府大儒不失法度其見優如此

尹敏

尹敏字幼季

書本傳敏  
南陽堵陽人

拜郎中辟大司空府上以

敏博通經記令校園識敏對曰識書非聖人所作其中

多近鄙別字頗類世俗之辭恐疑誤後生遷長陵令永平五年詔書捕男子周慮慮素有名字與敏善過侯敏坐繫免官出乃歎曰瘖聾之徒真世之有道者也何謂察察而遇斯禍也敏與班彪親善每相遇與談常日旰忘食晝即至暝夜則達旦彪曰相與久語為俗人所怪然鍾子期死伯牙破琴曷為陶陶哉

高詡

高詡字季回

案范書本傳詡平原般人

以儒學徵拜大司農在朝以

清白方正稱

丁恭

上封功臣皆為列侯大國四縣縣各有差博士丁恭等

案范書本傳恭字子然山陽東鄉人

議曰古帝王封諸侯不過百里故利

以建侯取法於雷強幹弱枝所以為治也今封諸侯四縣不合法制上曰古之亡國皆以無道未嘗聞功臣地多而滅亡者乃遣謁者即授印綬

甄字

甄字字長文北海人治嚴氏春秋持學精微以白衣教授常數百人建武中為青州從事徵拜博士每臘詔賜博士羊人一頭羊有大小肥瘦時博士祭酒議欲殺羊稱分其肉字曰不可又欲授鉤字復恥之字因先自取其最瘦者由是不復有爭訟後召會詔問瘦羊甄博士京師因以稱之拜太子少傅清淨少欲常稱老氏知足之分也字傳子晉晉傳子承周澤董魯平叔叔子軼並以儒學拜議郎也

張玄

張玄字君夏

案范書本傳玄河內河陽人

欲專意經書方其講問乃

不食終日忽然如不饑渴為博士其學兼通數家

李躬

三老常山李躬年耆學明以二千石祿養終身

案此明帝永平

二年詔文躬范書無傳

蘇竟

蘇竟

案范書本傳竟字伯汎扶風平陵人

與劉歆兄子恭書曰前世以磨

研編簡之才與國右史公從事出入者惟硯也

宋范書本傳作

走昔以磨研編削之才與國師公從事出入蓋歆於莽時為國師此文國右史公即國師公之誤末者惟硯也四字當是後人妄增

丁卯

丁卯

宋即范書不載司馬書劉昭注引趙岐三輔決錄注云卯字叔春京兆陽陵人

高節正直

不撓舉為孝廉

溫序

溫序字次房

宋范書本傳序太原祁人

為護羌校尉行部為隗囂別

將苟字所拘刼字謂序曰子若與我并威同力天下可  
圖也序素有氣力大怒叱字等曰虜何敢迫脅漢將因  
以節樞殺數人賊衆爭欲殺之字止曰此義士也可賜  
以劍序受劍銜鬚於口顧左右曰既為賊所迫殺無令  
鬚汚土遂伏劍而死

### 周嘉

周嘉

宋范書本傳嘉字惠文汝南安城人

仕郎為主簿王莽末羣賊入汝

陽城嘉從太守何敞討賊敞為流矢所中賊圍繞數十

重嘉乃擁蔽以身扞之呵賊曰卿曹皆人隸也為賊既  
逆豈有還害其君者耶嘉請以死贖君命因仰天號泣  
羣賊于是相視曰此義士也給車馬遺送之為零陵太  
守視事七年卒零陵頌其遺愛吏民為立祠焉

劉茂

劉茂守子衛

案范書本傳茂太原晉陽人

為郡門下掾赤眉攻太原

茂負太守孫福踰牆出藏城西門下空穴中擔穀給福  
及妻子百餘日福表為議郎



索盧放

索盧放字君陽東郡人署門下掾更始時使者督行郡國太守有事當斬放前對曰今天下苦王氏之虐政戴仰漢德傳車所過未聞恩澤而斬郡守恐天下惶懼各自疑也使有功不如使有過遂解衣而前願代太守斬使者義而赦之由是顯名

朱勃

朱勃字叔陽扶風平陵人年十二能誦詩書嘗候馬援

兄況勅衣方領能矩步辭言嫻雅援裁知書見之自失  
兄知其意乃自酌酒慰援曰朱勅小器速成智盡此耳  
卒當從汝稟學勿畏勅未二十右扶風請試守渭城宰  
及援為將軍封侯而勅位不過縣令援後貴常待以舊  
恩而卑侮之勅卒自親及援遇讒惟勅能終焉勅上書  
理援曰車駕討隗囂豪彊略城酋長殺吏惟獨狄道為  
國堅守士民饑饉煮履啖弩寄命漏刻援謀如涌泉勢  
如轉規救倒懸之急存幾亡之城飛鳥時衝馬驚觸虎

物類相生亦無不有章帝下詔曰告平陵令丞縣人故  
雲陽令朱勃建武中以伏波將軍爵土不傳上書陳狀  
不顧罪戾懷旌善之志有烈士之風詩云無言不讎無  
德不報其以縣見穀二千石賜勃子若孫勿令遠詣闕  
謝

樊顯

上嘗召見諸郡計吏問其風土及前後守令能否蜀郡  
計掾樊顯進曰漁陽太守張堪昔在蜀其仁以惠下威

能討姦前公孫述破時珍寶山積捲握之物足富十世  
而堪去職之日乘折轅車布被囊而已上聞歎息以顯  
陳堪行有效即除漁陽令

孝范書張堪傳作  
拜顯為魚復長

楊正

楊正為京兆功曹光武崩京兆尹出西域賈胡共起帷  
帳設祭尹車過帳賈牽車令拜尹疑止車正在前導曰  
禮天子不食支庶況夷乎救壞祭乃去

崔篆

崔篆涿郡安平人王莽時為郡文學以明經徵詣公車  
太保甄豐舉為步兵校尉篆辭曰吾聞伐國不問仁人  
戰陣不訪儒士此舉奚至哉遂投劾歸為建新大戶篆  
歎曰吾生值澆羿之君上有老母下有兄弟安得獨潔  
已而危所生哉乃單車到官稱疾三年不視事行縣門  
下掾倪敞諫篆乃強起班春所至之縣獄犴填滿篆垂  
涕曰嗟乎刑罰不中乃陷民於穽此皆何罪而至於  
是乎遂平理所出二千餘人掾吏叩頭諫曰誠仁者之心

然獨為君子將有悔乎篆曰邾文公不以一人易其心  
君子謂之知命如殺一大尹贖二千人蓋所願也遂稱  
疾去

崔駰

竇憲為車騎將軍辟崔駰為掾

案駰篆掾范書本傳駰字季伯

憲府貴

重掾屬三十人皆故刺史二千石惟駰以處士年少擢  
在其間憲擅權驕恣駰數諫之及出征匈奴道路愈多  
不法駰為主簿前後奏記數十指切長短憲不能容稍

疎之因察駟高第出為長岑長駟自以遠去不得意遂不之官而歸卒於家

崔瑗

崔瑗

案瑗駟子范書本傳瑗字子玉

愛士好賓客盛修教饁殫極滋味

不問餘產

崔寔

崔寔

案寔瑗子范書本傳寔字子真

為五原太守五原土宜麻桑而民

不知紡績而冬月無衣積細草而卧其中見吏則衣草

而出寔至官勸種麻命工伐木作機紡車教民紡績

倪萌

倪萌字子明齊國臨淄人仁孝敦篤不好榮貴常勤身  
田農遭歲倉卒兵革並起人民餒餓相啖與兄俱出城  
採蔬為赤眉賊所得欲殺啖之詣賊叩頭言兄年老羸  
瘠不如萌肥健願代兄賊義而不啖命歸求豆來贖兄  
萌歸不能得豆復自縛詣賊賊遂放之

古初



長沙有義士古初遭父喪未葬鄰人火起及初舍棺不可移初冒火伏棺上會火滅以為孝感所致云

王琳

汝南王琳字巨尉十餘歲喪親遭大亂百姓奔逃惟琳兄弟獨守家廬弟季出遇赤眉賊將為誦琳自縛請先季死賊矜而放

蔡順

蔡順字君仲汝南人至孝王莽亂人相食順取桑椹赤

黑異罷賊問所以云黑與母赤自食賊異之遺鹽二斗受而不食

李業

公孫述欲徵李業

案范書本傳業字巨游廣漢梓潼人

業固不起乃遣人

持鵠不起便賜藥業乃飲鵠而死

逢萌

逢萌字子慶北海人少有大節志意抗厲家貧給事為縣亭長尉過迎拜問事微久尉去舉拳搗地歎曰大丈夫

夫安能為人役耶遂去學問王莽居攝子宇諫莽而莽殺之萌謂其友人曰三綱絕矣不去禍將及人解冠挂東都城門歸將家浮海客於遼東萌素明陰陽知莽將敗乃首戴盪器哭於市曰辛乎辛乎遂潛藏不見隱琅邪之勞山非禮不動聚落化之北海太守遣使奉謁萌不答太守遣吏捕之民相率以石撾吏皆流血奔走萌被徵上道迷不知東西云朝所徵我者為聰明睿智有益於政方面不知安能濟政即駕而歸

王霸

王霸

某范書本傳霸字孺仲太原廣武人

建武初連徵不至安貧賤居茅

屋蓬戶藜藿不厭然樂道不急以壽終

嚴光

嚴光字子陵

某范書本傳光一名遵會稽餘姚人

耕於富春山後人名其

釣處為嚴陵瀨

閔貢

閔貢字仲叔太原人也恬靜養神勿役于物與周黨相

友黨每過貢共啜菽飲水無菜茹黨嘗遺貢生麻貢歎  
曰我欲省煩耳受而不食司徒侯霸辟貢到與相見勞  
問之下不及政事貢曰被明公辟且喜且懼及奉見明  
公喜懼皆去所望明公問屬何以為政美俗成化以貢  
為不足耶不當辟也如以為任用而不使臣之則為失  
人是以喜懼皆去便辭而出客居安邑老病家貧不能  
得錢買肉日買一片猪肝屠或不肯為斷安邑令候之  
問諸子何飯食對曰但食猪肝屠者或不肯與令出敕

市吏後買輒得貢怪問其子道狀如此乃歎曰閔仲叔豈以口腹累安邑耶遂去之沛

周黨

周黨字伯沉太原人鄉佐發黨徭道於人中辱之黨學春秋長安聞復讎之義輒講下辭歸到與鄉佐相聞期闕日鄉佐多從兵往使鄉佐先拔刀然後與相擊鄉佐服其義勇建武中徵黨著短布單衣縠皮幘頭待見尚書欲令更服黨曰朝廷本以是故徵之安可復更遂以

見自陳願守所志上聽之博士范升奏曰伏見太原周  
黨東海王良山陽王成使者三到乃肯就車脫衣解履  
升於華轂陛見帝廷偃蹇傲慢逡巡進退臣願與並論  
雲臺之下

井丹

井丹字大春

案范書本傳  
丹扶風郿人

通五經時人為之語曰五經

紛綸井大春

耿嵩

耿嵩字文都鉅鹿人履清高之節黜童介然特立不隨  
於俗鄉黨大人莫不敬異之王莽敗賊盜起宗族在兵  
中穀食貴人民相食宗家數百人升合分糧時嵩年十  
二三宗人少長咸共推之主稟給莫不稱平

東觀漢記卷十六